



KO TE

KAHITI O NIU TIRENI.

[MOTUHAKE.]

HE MEA TA I RUNGA I TE MANA O TE KAWANATANGA.

PONEKE, TAITE, HUNE 27, 1918.

*Whakawhiwhi Mana ki te Kooti Whenua Maori i raro i
Tekiona 25 o te Ture Whenua Maori, 1909.*

LIVERPOOL, Kawana Tianara.

OTA KAUNIHERA.

I te Whare Kawanatanga i Poneke, i tenei te tekau ma wāfu
o nga ra o Hune, 1918.

Tu ana i reira :

KO TE HONORE SIR JAMES ALLEN, K.C.B., HEI TUMUAKI
MO TE KAUNIHERA.

NOTEMEA kua meinga hei ture e tekiona rua tekau ma
rima o te Ture Whenua Maori, 1909, apiti atu ki
nga mana kua whakawhiwhia atu ki te Kooti Whenua Maori
e ara atu wahi o taua Ture, ka ahei te Kawana-Tianara i runga
i te Ota Kaunihera ki te whakawhiwhi atu ki te Kooti, ano
tonu me te mea nei na taua Ture i whakawhiwhi atu, i tetahi
mana whakawa mo ia take mo ia tautohe ranei e pa ana ki
nga whai taketanga o te Maori ki tetahi whenua, taonga
tinana ranei; a hei reira ka tino whai mana ka tino whai
kaha te Kooti ki te whakatau i taua take, tautohe ranei,
kia hangai ki runga ki ta te ture.

A notemea kua tonoa kia whakawhiwhia he mana ki te
Kooti Whenua Maori i raro i taua tekiona rua tekau ma
rima hei whakahaere i te take e mau nei i roto i te Kupu
Apiti ki tenei.

Na reira, ko His Excellency te Kawana-Tianara o te
Tomioniona o Niu Tireni, i runga i te tohutohu me te
whakaae a te Kaunihera Whiriwhiri o taua Tomioniona, a
i runga hoki i te whakahaerenga me te whakatutukitanga
i nga mana me nga kaha kua whakawhiwhia ki a ia e taua
tekiona rua tekau ma rima o te Ture Whenua Maori, 1909,
tenei ka whakawhiwhi ki te Kooti Whenua Maori i te mana
e ahei ai taua Kooti ki te whakawa a ki te whakatau i te take
e mau nei i roto i te Kupu Apiti ki tenei.

KUPU APITI.

TE kereeme a Himiona Katipa me etahi atu Maori mo runga
i te whakahaerenga me te tuhatuhanga o etahi moni e
tiakina ana, i puta mai nei i mua i te hokonga o etahi
whenua Maori—ara, i Okahuatini Nama 1 Poraka, i
Okahuatini Nama 2 Poraka, me Tangihanga Poraka.

J. F. ANDREWS,
Karaka o te Kaunihera Whiriwhiri.

I taia i runga i te Mana o te Kawanatanga o Niu Tireni, e MAKAHA MAAKA, Kai-ta a te Kawanatanga, Poneke.